

Date – 02/04/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Supply Department chuan tunhnaia khawtlang ram buaina avangin ei rawngbawlina gas leh tuialhthei a harsatna thleng thei lakah Mizoram Sawrkar chuan ngawrh takin hma a la reng tih an sawi.
2. Chief Minister Pu Lalduhoma'n Mizote zingah AIDS, cancer leh natna khirh tak vei an tam zel chu pawl atih thu sawiin uluk lehzuala nun hman a pawimawh thu a sawi.
3. Ram pum Chhiarpui chu ram chung hmun dangte rualin niman atang khan Mizoramah pawh tan a ni.
4. Sorkar laipui chuan West Asia-ah indona thleng mahse ramchungah thlai chi eng pawh, mamawh zat a awm, a ti.

<><><>

LPG&POL

Supply Department chuan tunhnaia khawtlang ram buaina avangin ei rawngbawlina gas leh tuialhthei a harsatna thleng thei lakah Mizoram Sawrkar chuan ngawrh takin hma a la reng an ti a, mipuite tan chia-na tur awmluh thu an sawi.

Supply Department thuchhuah tarlan danin tun dinhmunah Mizoram chuan dahkhawh sa a ngah tawh a ti a, eirawngbawlina Gas cylinder sing 2 chuang a awm mek tih sawiin heng zingah hian kalkawngah thang mek pawh a awm thu an sawi.

Tuialhthei pawh tun dinhmunah a tam tawh thu sawiin Petrol leh Diesel sang chuang ve ve stock a awm mek thu an sawi a, kawng thang mek pawh a tam tawh tih sawiin tun dinhmunah mipui tan chia-na tur a awmluh thu an sawi a ni.

State Level Monitoring Cell on LPG/POL tunhnaia thukhawm chuan Asia khawtlang lama indona thleng mek avanga India leh khawvel hmun hrang hranga eirawngbawlina Gas leh a kaihnawih buaina awm mek chungchang thlirin buaina tipunlun thei tura chhekkhawh ruk a thlen lohna hmun a tura Gas lakpen a nih lohna tur leh manto zawka Black-a zawrh a nih lohna tura Sorkar hmalaknate an sawiho a, Tun dinhmunah Mizoram chu an dinhmun a that thu leh mipui tan chia-na tur a awm loh thu tarlan a ni.



HEALTHY APP LUNGLEI

Lunglei District mipuite'n hriselna tha zawk an neih theih nana buatsaih Healthy Lunglei District Campaign chungchang sawiin nimin khan Lunglei Bawrhsap Pi Navneet Mann hoa thutkhawm a ni.

Lunglei DC Office, Health & Family Welfare leh I&PR official-leh Young Mizo Association Sub-Headquarters Lunglei hruaitute he thutkhawmah hian telin Healthy App Lunglei hnuaiia hma lakna leh mahni awm hmun atanga awlsam taka inentirna appointment lak theihna leh online-a damdawi chah theihna tura tlangzarh tak, LushAI Healthy Lunglei (LHL) App mipuite'n tangkai zawka an hman theih nana tihlar beihpui thlak tur chungchang an sawi ho a.

Healthy Lunglei App chungchanga Information, Education and Communication campaign chu May thla atanga kalpui tum niin, ni sawm li (40) chhung kalpui tura ruahman a ni a. Campaign chhung hian YMA branch hrang hrang leh college-ah te hriselna dinhmun endikna, hriselna leh LHL App chungchang inzirtirna leh intihsiakna te buatsaih a ni ang a. Ni 40 chhunga campaign zawh hnuah App download tam leh hmang thate hnenah lawmman siam a ni bawk ang.

LushAI Healthy Lunglei app hmang hian district chhunga sawrkar damdawi in leh health centre-a daktawrte thut hun tur a en theih bakah, OPD-a inentir turin appointment a lak lawk theih a. ABHA-a inziah luhna te, he app-a inziak lut damdawi dawr atanga damdawi chah theihna te awmin, hriselna lama hriat tur pawimawh hrang hrangte pawh awlsam takin a hmuh theih a. OPD appointment laknaa pui thei tur leh zawhna hrang hrang Mizo tawnga chhang thei tur AI chatbot dah tel a ni bawk.



CM

Chief Minister Pu Lalduhoma'n Mizote zingah AIDS, cancer leh natna khirh tak vei an tam zel chu pawh atih thu sawiin uluk lehzuala nun hman a pawimawh thu a sawi.

Nimina Serchhip District Hospital-a Dialysis Unit thar a hawna ah he thu hi sawiin Chief Minister chuan natna tam tak pumpelh theih a awm tih sawiin nun uluk a pawimawh thu a sawi a, natna khirh tak vei an pung zel chu pawh atih thu a sawi a ni.

Pu Lalduhoma chuan damdawiina damlo enkawl hna chu rawngbawlina anih thu sawiin mitin luhkhawmna anih avangin thawktute inpekna a pawimawh a ti a, Thawktute inthlahdah avanga damlote tawrhna chu thleng lo se a duh tih sawiin hah chung pawhin theihtawp chhuah turin a duh thu a sawi a ni.

Serchhip damdawi ina Dialysis Unit hi Doctor 1, Technician1, Staff nurse 2 leh RO incharge 1 in an enkawl dawn a. Vawiin April ni 2 atangin dialysis hi tih tan nghal tum a ni.

<><><>

HAULAWNG GINGER

Tunlai hian Lunglei Dist-a Secondary Collection Centre ah Sawhthing hralhchhuah mek a ni.

Haulawng SCC President Pu Zuimawia chuan nimin khan bag 399, Kg 11,970 an hralh tih sawiin Kg 1 cheng 25 in an hralh a. Tuntum ami hi sample ang chauh a lei a ni a phailama an pawm chuan a dang pawh lei leh turin an in thlah a ni a ti.

Haulawng SCC hnuaiiah hian khua 11 awmin a tirah chuan quintal nuai 3 thar turah an in chhut a, mahse Sorkar a chet tlai deuh avangin quintal nuai 1 vel chauh thar an in ring tih an sawi. Tunah hian bag 2000 vel chawhsa a la awm thung an ti a ni.

Lunglei dist ah hian Collection centre hi 4: Hrangchalkawn, Tawipui, Haulawng leh Buarpuiah te awmin Tawipui leh Haulawngah hralh mek a ni a, Hrangchalkawnah chuan hralh tur a awm rih lo a ni.

Hetihlai hian Buarpuia SCC ah chuan kg ah cheng 24/- a lei duh an awm, mahse loneitu te hian an hralh ngam rih lo a. Hemi chungchangah hian Buarpuia SCC President Pu Zonunchama chuan sorkar in support price a pek tur zat an hre lova, chuvanga hralh ngamlo an ni tih a sawi a ni. Tunah hian sawhthing chawhsa bag 3000-4000 vel a awm mek tih sawiin loneituten an remchan dan ang ang in an dah tha rih a ni a ti.

Buarpuia khuaah hian sawhthing chingtu Society a in ziak lut chhungkua 132 an awm a, a ching tam chuan qtl 15 te an ching a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

CENSUS-MIZORAM

Ram pum Chhiarpui chu ram chung hmun dangte rualin nimin atang khan Mizoramah pawh tan a ni.

Chhiarpui hna thawktute chuan mihring chhinchhiah hna ni lovin in ding lai leh a chungga chengte dinhmun leh an bungraw neihte chhinchhiah hna in bul an tan a. Nimin vek hian Chhiarpui atana online kaltlanga mahni inziahluh leh inthun theihna self enumeration portal chu hawn a ni.

Chhiarpui-Houselisting leh Housing Census bultan nan hian tukin khan Chief Minister Pu Lalduhoma chu a chenna inah a inziaklut a. Chief Minister hi Directorate of Census Operations, General Administration Department leh Aizawl Municipal Corporation officials pawimawhten an tawiawm a. Chhiarpui an kalpui zuina turah duhsakna a lo hlan a ni.

Akashvani News Aizawl zawhna chhangin, AMC Municipal Commissioner, Aizawl Principal Census Officer ni bawk, Pu Joseph H.Lalramsanga chuan India ram Chhiarpui vawi 16-na, Census of India 2027 hi thawh hniha kalpui tur niin, a thawh 1-na chu nimin khan Mizoram pumpuiaah kalpui a ni a, Aizawl-ah chuan Houselisting leh Housing Census bultan nan nimin khan Chief Minister Pu Lalduhoma chu a chenna inah a inziaklut a ti a. Self-Enumeration hi ni 15 chhung a tih theih dawn tih sawiin, tun thla April ni 16 atangin Enumerator te chu in tin leh chhungkaw tinah kalin, Self-Enumeration tih te chu an endik dawn a ti a, chhiarpui hi a pawimawh em avangin tluang taka kalpui a nih theih nan chhung tinte chu thawhpuiaah a sawm a ni.

Tun tum Chhiarpui hi in tina luha mihring chhiar a ni dawn chungin lehkhapuan hmang lovin, a vawikhatnan digital hmang veka kalpui a ni dawn a. Digital a kalpuina-ah hian mobile apps hman a ni dawn a ni. Chhiarpui kalpui hun tur kum 2021 khan Covid-19 hri leng avangin kalpui a ni ta lova. Tun tum hi kum 2011 hnu a India ram Chhiarpui awm leh hmasa ber tur a ni dawn a. Sawrkar chuan chhiarpui hi tluang leh fel fai taka a kal theih nan khua leh tui te chu mahnia inziaklut turin a ngen a ni.

Chhiarpui Thawh hnihna - mihring chhiarpui tak tak Population Enumeration chu nakum 2027 February atanga neih tan tur a ni ang.



KHARIF CROP SEEDS AVAILABLE

Sorkar laipui chuan West Asia-ah indona thleng mahse ramchhungah thlai chi eng pawh, mamawh zat a awm, a ti.

New Delhi-a West Asia boruak chungchanga Interministerial Meeting nimina neihah Agriculture & Farmers Welfare Dept Addl. Secy, Dr. Maninder Kaur Dwivedi chuan fur thlai chi hrang hrang chi quintal nuai 185 chuang a awm thu a tarlang a, agrochemical pawh a tam tawk tih a sawi bawk.

Petroleum & Natural Gas Ministry-a Jt. Secy, Sujata Sharma pawhin tun dinhmunah tuialhthei thlitfim loh a chhekkhawl ngah tawk tih meeting-ah hian sawiin thla 2 lo awm tur chhung hian la lut belh turin sorkarin ruahmanna a siam, a ti a, khawvel puma tuialhthei man sang chho laka ram mipuite venhim nan sorkarin petrol leh diesel chhiah a ti hniam tih sawiin hei hi tuialhthei man sang chho tur venna tur a ni, a ti.

